

Áigumušsoahpan

Norgga Sámemišuvnna ja Sarepta Mišuvnna ovttahttin

Ulbmil

Viidáseappot fievrredit ja viiddidit goappešat organisašuvnnain obbalaš bargguid; sárdnideami, oahpu ja diakonibargguid.

Vuođđu

Dát guokte organisašuvnna leat vuođđuduvvon seamma dovddastussii ja lea seamma teologalaš ja vuoiŋgalaš oaidnu.

Goappešat organisašuvnnaid ulbmil lea ahte olbmot galget bestojuvvot.

Goappešat organisašuvnnaid vuosttaš vuoruheapmi lea ásahit, váldit vára ja ovddidit báikkiid gosa olbmot sáhttet čoagganit gullat Ipmila sáni, earenoamážit dakkár báikkiin gos lea unnán, dahje ii obanassiige sárdnideapmi ovdalaččas. Ja gaskustit juohkehažžii evangeliuma Jesusa birra, ja ruossa sáni.

Dat sisttisoallá maid fálddagaid ásaheami ja lámčit gullevašvuođabáikkiid čoagganemiide, servviide ja biibbal-ja rohkosjoavkkuide.

Organisašuvdna ja namma

Ovttahttojuvvon organisašuvdna galgá lágiduvvot Sarepta Mišuvnna organisašuvdna-ja stivrenstruktuvrra mielde, ja dan namma galgá leat Sarepta Mišuvdna. Dat mearkkaša ahte ii galgga leat kreatsajuohkin, ja ahte servviin ja joavkkuin ii leat makkárgede demokrátalaš dahje stivrendoaibma. Das galget leat doarjjamiellahtut mat oktiibuot dahket riikačoahkkima, ja stivrra váldonjuolggadus lea ahte dat ieš vállje eanas stivralahtuid, geahča Sarepta njuolggadusaid.

Hálddahušlaš ja praktihkalaš suorgi bargguin heivehuvvo ovttahttojuvvon organisašuvdnii.

Sáttni «Sarepta» geavahuvvo buot riikkain ja oktavuodain, ja «mišuvdna» sáttni jorgaluvvo guđe ge našuvnna gillii olggobealde Davviriikkaid, gos lea dárbu. Nu maiddái sámi guovlluin.

Formálalaš ovttahttin

Formálalaččat dáhpáhuvvá ovttahttin dan lámkái ahte buot aktiiva ja passiiva opmodat mii gullá Sámemišuvdnii, sirdojuvvo odđa Sareptai Mišuvdnii. Dasto heaittihuvvo Norgga Sámemišuvdna sierra organisašuvdnan ja lámkavuđolaš, juridihkalaš doaibman, ja bargu joatkašuvvá odđa ovttahttojuvvon organisašuvnnas.

Nu guhkás go vejolaš, galget Norgga Sámemišuvnna bargiide fálluojuvvot virggit odđa Sarepta Mišuvdna organisašuvnnas, seamma sullasaš barggut go sis leat Norgga Sámemišuvnnas, dahje virggit mat leat heivehuvvon odđa ovttahttojuvvon organisašuvdnii. Odđa ovttahttojuvvon organisašuvdna huksejuvvo Sarepta Mišuvdna organisašuvdnastruktuvrii, ja danin šaddet muhtun virggit/doaimmat Norgga Sámemišuvnnas heaittihuvvot.

Dan muddui go lea dárbu, de ohat persovnnaide guoskevaš, ekonomalaš ja juridihkalaš veahki ovttahttinbarggu.

Dassáži go aktiiva lea sirdojuvvon ođđa Sarepta Mišuvdnii, de gokčá Norgga Sámemišuvdna goluid mat gusket ovttahttimii.

Bálkápolitihkka

Dán guovtti organisašuvnnas leat ovttahttima álgobargguin goabbatlágan bálkástruktuvrrat/-politihkka. Ovttahttima maŋŋil biddjojuvvo Sarepta Mišuvdna struktuvra/politihkka vuodđun. Dat mearkkaša ahte eai leat nu galle bálkáeahki, ja lea oalle unnán erohus alimus ja vuolemus bálkás.

Norgga Sámemišuvdna bargiid oktavuodas, geat čuvvot ođđa organisašuvdnii, sáhtta gaskaboddosašáigodagas garvit dien struktuvrra jus lea dárbu, vai bálká ii unniduvvo. Sii bissot dasto dan bálkáeahkis mii sis lea, dassáži Sarepta Mišuvdna «olaha» sin, ja de čuvvot dan.

Norgga Sámemišuvdna bargguid viidáseappot fievrredeapmi

Go ovttahttojuvvon organisašuvdna čuovvu Sarepta Mišuvdna organisašuvdnamále, de ii boade ovttahttin gaskkalduhttit Sarepta Mišuvdna dálá organisatuvrralaš bargguid, muhto baicca viiddit bargguid. Ovttahttin mearkkaša ahte Norgga Sámemišuvdna bargu ovttahttojuvvo ođđa Sarepta Mišuvdna bargguide, mas earenoamážit čalmustahttojuvvo bargu maid doaimmahit sámi álbmoga gaskkas ja sámegiella.

Go ovttahttin lea čađahuvvon, de árvoštallá stivra iežas barggu ja dan ovddideami oktasaš gohččuma vuodul ja ovttahttojuvvon organisašuvdna barggu ektui.

Norgga Sámemišuvdna bargguid vuodul galgá ovttahttimis deattuhit čuovvovaččat:

1) Norgga Sámemišuvdna Riikastivra vállje guokte ovddasteaddji Sarepta Mišuvdna stivrii, geain lea duogáš Norgga Sámemišuvdna bargguin. Sarepta Mišuvdna nammada de sin dábálaš stivralahttin sin sadjái geat mannet stivrras eret. Dan maŋŋil nammada stivra ieš stivralahtuid organisašuvdna dábálaš vuogi mielde. Dat eaktuda ahte sii geat nammaduvvojit stivrii, leat dahje álget doarjjamiellahttin Sarepta Mišuvdnii. Geahča Sarepta Mišuvdna njuolggadusaid § 4-1 dan mii guoská stivračoahkkádusa/-nammadeami birra.

2) Virgáibiddjojuvvon olbmuid ja eaktodáhtolaččaid sárdnideapmi miehtá riikka jotkojuvvo ja oktiivehuvvo Sarepta Mišuvdna bargguin, dainna mihttomeriin ahte viiddit sárdnideami sámi guovlluin ja muđui Davviriikkain.

3) Ásahuvvo Sápmi jodihanvirgi, mii galgá earenoamážit viidáseappot fievrredit ja ovddidit Norgga Sámemišuvdna earenoamáš gohččuma sámi álbmoga ektui, maiddái Guoládagas, ja maiddái muđui sámiid gaskkas. Lea lunddolaš ahte dát jodiheadji čuovvu stivračoahkkimiid fásta vuosttaš jagi, dainna jurdagiin ahte

hukset barggu Sámis.

Galgat rahčat olahit dan ahte sámegeiella geavahuvvo sámi guovlluin sárdnideamis, vejolaččat dulkkain, ja ahte sámegeiella deattuhuvvo virgáibidjamiin Sámis.

4) Galgá maid bargat dan badjeli ahte olahit lullisámi ja julevsámi álbmogiid, áinnas ovttas obbalaš bargguin mii doaimmahuvvo lullisámiid ja julevsámiid ássanguovlluin.

5) Galgat bargat dan badjeli ahte Radio DSF bargu fievrreduvvo viidáseappot, muhto bargovuogi ferte árvvoštallat. Álgoáiggi fievrreduvvo Radio DSF bargu dála málle mielde, muhto ferte njuolggadusaid heivehit ovttastahttojuvvon organisašuvvna ektui. Ferte iskat lea go vejolaš dahje ávkkálaš ásahit ovttasbarggu P7 radiokanálain dahje eará mediaásahusaiguin.

6) Álttá álbmotallaskuvlla oamasteami ferte guorahallat, muhto álgoáigumuš lea ahte ovttastahttojuvvon organisašuvvna galgá fievrredit dan viidáseappot, jus fal eará oamasteaddjit mihtet dasa. Dárbbalaš formálalaš beliid ferte ordnet ovttastahttima oktavuodas. Skuvlla risttalaš profiila ja skuvlla risttalaš doaimmat galget čielgasit boahtit ovdan ja nannejuvvot.

7) Leirabáikkit jodihuvvojit viidáseappot, ja áiggis áigái árvvoštallojuvvo mii lea eanemus ávkkálaš jodiheapmi obbalaš mišuvdnadoaimmas. Báikkálaš bargiiguin ságastallojuvvo mii lea eanemus ávkkálaš jodihanmálle ovddosguvlu
Mii guoská Nordlys leirabáikái, de dat árvvoštallojuvvo Lulli-Oarje – Norgga mišuvdnaustibiid ja dan guovllu barggu guovddáš báikin. Árvvoštallat galgá go almmuhit odđa bláđi dan barggu birra; Nordlys-hilsen.

8) Maŋŋil ovttastahttima galgat geahčadit Guoládaga bargu earenoamážit, dainna jurdagiin movt dan sáhtášii buoridit.

9) Samenes Venn bláđđi heaittihuvvo ja čállagat almmuhuvvojit Sareptanytt bláđis, mii viiddiduvvo ja oažžu eambo resurssaid. Samenes Venn bláđi doallit sirdojuvvojit Sareptanytt bláđđái. Ollislaš mediabargu galgá guorahallojuvvo, ja jurdda lea ahte dan galgá for Sareptanytt doaimmahus bargat.

10) Addinbálvalus mii guoská Norgga Sámemišuvdnii, fievrreduvvo viidáseappot ovttastahttojuvvon organisašuvdnii, ja fásta addit ávžžuhuvvojit joatkit.

11) Norgga Sámemišuvvna viššalis searvvit ávžžuhuvvojit joatkit bargguset ovttastahttojuvvon organisašuvvnnas, vaikko sis de ii leat šat makkárge doaimma stivrenstruktuvrras.

Opmodagat

Ásahuvvo sierra opmodatselskáhppi ja buot organisašuvvna opmodagat Norggas

sirdojuvvojit dasa. Dat selskáhppi galgá maid hálddašit dakkár kapitála go foandda ja ossosiid (ákšaid). Dat selskáhppi galgá gokčat mišuvdnabarggu goluid jierpmálaš kapitálahálddašemiin, dan mielde maid gávnnahit eanemus ávkkálažžan obbalaš mišuvdnabargui.

Ovdal go diet álggahuvvo, de galgá ovttas fágaolbmuiguin árvvoštallat dan ekonomalaš beali ja verrui guoskevaš áššiid, dainna jurdagiin ahte movt geavahit opmodatselskáhppi ruđaid mišuvdnabargui. Eará vejolašvuohta lea ordnet opmodat-ja kapitálahálddašemi sierra «ossodahkan» mišuvdnarehketdoalus. Opmodagaid ja daid geavaheami, ja vejolaš vuovdimiid, galgá oktilaččat árvvoštallat, dainna strategiijain mii lea eanemus ávkkálaš mišuvdnii.

Oalle johtilit maŋŋil ovttaštattima galget organisašuvnna opmodagat mat leat Norggas árvvoštallojuvvot, ja maid galgá daiguin bargat go smiehttá geavaheami, bajásdoallama/divodemiid dahje vuovdima.

Realiseren

Goappešat organisašuvnnat čađaheaba iežaska orgánain čadni ja seammalágan mearrádusaid ovttaštattima hárrái, mii doaibmagoahtá 1/1 2021 rájes. Dien dáhtona rájes gullet buot aktiiva ja passiiva opmodagat ođđa Sarepta Mišuvdnii, ja dan organisašuvdna jođihišgoahtá de barggu. 2020 lea maŋemus jahki go fievrreduvvojit sierra rehketdoalut dien guovtti organisašuvnnas. Dan maŋŋil fievrreduvvo rehketdoallu nugo šiehtadallamat ovttaštattima oktavuodas gávnnahit buoremussan ekonomalaččat, barggu dáfus ja maddái obbalaš geahčasteami ektui. Organisašuvdna oažžu fápmudusa dohkkehit goappešat organisašuvnnaid 2020 rehketdoaluid.

31/12 -20 rádjái lea Norgga Sámemišuvnna Riikastivrras ja Sarepta Mišuvnna stivrras fápmudus árvvoštallat ja dahkat mearrádusaid áššiin mat ovddiduvvojit goabbáge organisašuvnnas, maŋŋil go ovttaštattin lea mearrádus lea dahkkon. Prinsihpalaš gažaldagaid mearridit diet guokte stivrra ovttas.

Jus maŋŋil 1/1 -21 ilbmet áššit maid birra eai lean dieđut 31/12 -20, dahje badjánit gažaldagat mat gusket ovdalaš mearrádusaid dulkomii, de lea ovttaštattojuvvon organisašuvnnas Sarepta Mišuvnnas fápmudus árvvoštallat daid gažaldagaid ja dahkat mearrádusaid. Dat guoská áššiide ja mearrádusaide mat ovdal leat dáhpáhuvvan organisašuvnnain.

Jus ovttaštattinbargu maŋŋona meaddel 1/1 -21, de eará dáhtonat maid maŋiduvvojit seammaládje dahje dan mielde go lea dárbu.

Čielggadeamit viidáseappot

Go dan guovtti organisašuvnna stivrrat leat mearridan ovdalis namahuvvon áigumušsoahpama, de ferte ovttaštattima áššeovddideami ja loahpalaš mearrádusa gárvvistemiin bargat čuovvovaččat:

1) Gaskaboddosaččat árvvoštallat Radio DSF barggu ja movt dat berre jođihuvvot/organiserejuvvot, ja čielggadit makkár formálalaš rievdadusaid ferte dahkat ovdal ovttaštattima.

- 2) Čilget Álttá Álbmotallaskuvlii ovttahttinplánaid, ja oažžut sin árvvoštallat movt oamasteapmi viidáseappot berre leat. Ášši formálalaš beliin ferte bargagoahitit dasto go ovttahttin mearrádusa lea dahkkon.
- 3) Doallat oktavuoda leairabáikkiid báikkálašdoaimmaheddjiiguin, oažžut sin árvvoštallamiid leairabáikkiid bargguid ja movt leairabáikkiid sáhtta jođihit/geavahit buoremus lági mielde boahhteáiggis.
- 4) Juohkit dieđuid bargiide ovttahttinplánaid birra, ja – earenoamážit mii guoská Norgga Sámemešuvdnii – makkár bohtosat das leat bargodilálašvuodaide. Juohke bargiin Norgga Sámemešuvnnas dahkko šiehtadus maŋŋil go ovttahttinmearrádus lea dahkkon.
- 5) Čielggadit gažaldagaid mat gusket opmodatselskáhppái ja kapitálahálddašeapmái ja ráhkkanit dasa movt dat galgá čađahuvvot.
- 6) Čielggadit makkár orgána/persovnnat galget oažžut fápmudusa dien guovtti organisašuvnnas dahkat formálalaš mearrádusaid ja čadni šiehtadusaid iešguđetlágan gažaldagain, geahča ovdalaš 5 čuoggá.
- 7) Muđui eará gažaldagat mat gusket ovttahttimii čielggaduvvojit ja čađahuvvojit maŋŋil go ovttahttinmearrádus lea dahkkon. Dat guoská maid mángga ovdalis namuhuvvon čuoggáide.
- 8) Odđa virggit ja virgáibidjamat čađahuvvojit formálalaččat odđa organisašuvnnas.